

9.—GASTOS DEL ANUNCIO

A cargo do adxudicatario.

O Porriño, 10 de febreiro do 2006.—O Alcalde,
Raul Francés Rodríguez. 2006002116

E D I C T O

En cumprimento do disposto no artigo 7 do Regulamento para a administración e réxime de reses mostrenas do 24 de abril de 1905, informamos de que se encontra, durante quince días, a disposición de quen acredeite ser o seu lexítimo dono, unha res mostrenca coas seguintes características:

Especie: Equina.

Sexo: Macho castrado.

Raza: Cruzado do país.

Capa: Alazana.

Reseñas:

Cabeza: Luceiro na fronte por enriba dos ollos que se prolonga en cordón branco. Falta de pigmentación en ambos belfos.

Extremidades: Parte inferior da súa pata esquerda de cor branco.

Observacións: Manso.

Marcaxe: Carece de marcaxe.

Advírtese, que se transcorrido o prazo sinalado non se presenta o dono/a a reclamar a citada res, esta Alcaldía procederá previo aviso, á realización da subhasta para a súa venda, conforme o determina o artigo 13 do devandito regulamento.

O Porriño, 16 de febreiro do 2006.—O Alcalde,
Raul Francés Rodríguez. 2006001942

* * *

MOAÑA

E D I C T O

O Pleno do Concello, en sesión celebrada o día 2 de decembro de 2005, acordou aprobar inicialmente a Ordenanza Xeral Reguladora da instalación de terrazas neste Concello e sometela a información pública polo prazo de 30 días hábiles, contados a partir do seguinte ó da inserción do edicto no Boletín Oficial da Provincia, co fin de que os interesados poedesen presenta-las reclamacións ou suxerencias que estimasen oportunas, dando así cumprimento ó previsto no artigo 49 b) da Lei 7/1985, de 2 de abril. No caso de que non se presentase ningunha reclamación ou suixerencia entenderíanse definitivamente adoptados os acordos ata entones provisionais dacordo co previsto polo artigo 49 c) da Lei 7/1985, de 2 de abril, modificado pola Lei 11/1999, de 21 de abril.

No BOP nº 250, do venres, 30 de decembro de 2005, publicouse o anuncio relativo ao acordo de aprobación inicial, sen que se presentase reclamación ou alegación algúns durante o prazo de 30 días hábiles, polo que se entenden definitivamente adoptados os acordos ata entones provisionais e polo tanto, procédere, de conformidade co artigo 70.2 da Lei 7/85, á súa publicación íntegra.

ANEXO

ORDENANZA XERAL REGULADORA DA OCUPACIÓN TEMPORAL DE TERREOS DE USO PÚBLICO MUNICIPAL CON MESAS, CADEIRAS, TABOADOS E OUTROS ELEMENTOS ANÁLOGOS

OBXECTO

1.—O obxecto desta ordenanza é a regulación da instalación de terrazas en solo público do Concello de Moaña, sen prexuízo neste caso da competencia que poidan ter outras administracións en terreos de dominio público propio sitos neste Concello, así como a regulación do material a utilizar nas terrazas dos establecementos abertos ao público.

2.—Entenderase por ocupación de terrazas a colocación de cadeiras, mesas, paraplyos e toldos, así como xardineiras, e calquera outra instalación de carácter desmontable- en liña de fachada, fronte ao establecemento (ou en liña oblicua) con adicación ao mesmo servizo que o propio establecemento e carecendo de barra exterior. Exténdese esta ocupación aos bares, cafeterías, discotecas, pubs, xeladerías, restaurantes e, en xeral, a establecementos clasificados, sempre con axuste no horario ao establecido para bares-cafeterías.

XESTIÓN

3.—A ocupación a que se refire a presente ordenanza outorgarase por períodos anuais na forma que se establece no artigo 7.

4.—Será competente para conceder as licenzas a Xunta de Goberno Local.

5.—As licenzas outorgaranse deixando a salvo o dereito de propiedade e sendo revocables por razóns de interese público en calquera momento, sen que isto orixine dereito indemnizatorio algúin.

6.—Poderán solicitar licenza de ocupación para terrazas os titulares de licenzas vixentes dos establecementos anexos aos terreos sobre os que se solicita a ocupación. A superficie de ocupación será determinada na concesión tendo en conta a solicitude e as características do lugar solicitado, establecéndose como criterio a lonxitude de fachada do propio establecemento e os espacios laterais se estivesen baleiros. Neste caso nunca se concedería terraza máis que polo dobre da lonxitude da fachada. Se concorrese outra solicitude coa mesma pretensión sobre un terreo baleiro, esta superficie baleira outorgarase ao 50%. En superficies susceptibles de ser ocupadas e

que non correspondan á fronte de ningún establecemento, outorgarase a aquel que estea más próximo e, concorrendo dous ou máis nas mesmas circunstancias, terá prioridade aquel que o solicitara antes. O suposto anterior ten como excepción que ninguén poderá solicitar terreos que non estean fronte ao seu establecemento se conta xa con superficie para montar terraza na mesma fronte. Aos efectos deste artigo non se considerará espacio baleiro a existencia dun escaparate. Neste caso a ocupación requirirá autorización do titular do establecemento.

7.—As solicitudes de licencia solicitaranse entre o 1 de xaneiro e o 31 de marzo de cada ano. As licenzas son concedidas ao titular do establecemento con carácter anual, iniciándose o cómputo da anualidade a 1 de maio do ano de solicitude ata o 30 de abril do ano seguinte, de xeito que quedan afectas á actividade que no momento da solicitude teña o local para a que foi pedida. Cando o inicio de actividade se produza despois do 31 de marzo, poderá solicitarse a instalación de terraza con carácter excepcional unha vez concedida a licenza de apertura, aboándose unha anualidade completa. En caso de cambio de titularidade a licenza continuará vixente, pero con obriga de comunicar por escrito este feito. Non se admitirá o subarrendo, cesión a terceiros ou calquera tipo de negocio xurídico da licencia que imprique o aproveitamento desta concesión por persoa distinta do solicitante, salvo o previsto no parágrafo anterior.

8.—As solicitudes dirixiranse ao Alcalde-Presidente e nelas incluirase:

- xustificación de ser titular da explotación do establecemento.
- plano no que se reflecta a superficie solicitada.
- mobiliario que se pretende colocar.

As licenzas outorgaranse de conformidade co solicitado, e previo informe da Policía Municipal. A falsidade nos datos da solicitude ou a non concordancia posterior levará consigo a sanción correspondente. Os servizos do Concello poderán xirar visita en calquera momento para comprobar a situación das terrazas, informando das irregularidades que existan.

A utilización do solo requerirá o pago previo da taxa que se comunicará na notificación de concesión, segundo a ORDENANZA REGULADORA DA TAXA POR OCUPACIÓN DE TERREOS DE USO PÚBLICO MUNICIPAL CON MESAS, CADEIRAS, TRIBUNAS, TABOADOS E OUTROS ELEMENTOS ANÁLOGOS, CON FINALIDADE LUCRATIVA. No caso de renovación, a comunicación da mesma levará consigo o importe actualizado da taxa para a instalación de terraza no período correspondente. Non se admite fraccionamento, e a renuncia ou non uso do solo non dá dereito a devolución.

9.—Finalizado o período de concesión anual a licenza quedará sen efecto, podendo os titulares da

anualidade anterior solicitar unha renovación nas mesmas condicións nas que se lle outorgaron ou unha nova licenza no caso de cambio sustancial na terraza. Non se considera cambio sustancial a modificación de mobiliario, sempre que se axuste o establecido na presente ordenanza. Neste caso, na solicitude de renovación indicarase este cambio.

CONDICIONES DA OCUPACIÓN

10.—A ocupación de terreos públicos por terraza deberá cumplir os requisitos seguintes:

- O espacio que ocupen non poderá interromper o paso destinado a usos públicos coma xardíns, aparcamentos, zonas peónis, carrís bici, vados, entradas domiciliarias, paradas de transporte público, aparatos de rexistro e control de tráfico ou calquera outro que impida ou dificulte a prestación dun servizo público, límite as medidas de seguridade, cause perigo ou impida a entrada-saída a domiciliios.
- As instalacións nas beirarrúas deberán posibilitar o paso peonil pola zona máis próxima ás edificacións, establecéndose un ancho mínimo de 1,50 mts a este fin. Nos casos en que as solicitudes impidan a existencia desta anchura mínima poderase habilitar unha zona na propia rúa —sempre que as circunstancias o posibiliten— cunha plataforma de madeira, a nivel de beirarrúa, única e exclusivamente para a instalación de terrazas e nunca para o paso de persoas. En zonas illadas, en que exista unha soa terraza e se precise delimitar ou por motivos de seguridade se requirian, os servizos municipais poderán autorizar, previo informe, a instalación de elementos con este fin, sempre gardando os criterios establecidos nesta ordenanza en canto ao tipo de material, ornato e seguridade.
- Deberá deixarse completamente libre de forma inmediata o espacio a requerimento da autoridade municipal, se fora requerido para iso.

11.—Por cuestións de estética as terrazas deberán axustarse ás seguintes precisións:

- As cores que se establecen nos parasoles e toldos serán: branco/beig, granate/burdeos, azul mariño e verde botella, establecéndose unha cor por terraza.
- As características destes elementos serán: fuste de madeira ou metálico, sombreiro con estructura de madeira ou metálico e loneta nas cores sinaladas.
- As cadeiras serán de aluminio na súa cor natural, podendo levar tranzados ou elementos engadidos sempre no seu estado natural (p.e. rafia) ou axustándose as cores establecidas no apartado a, sempre coincidentes coa cor do parasol, ou de madeira, establecéndose os

- mesmos requisitos nos casos de elementos complementarios (fundas, coxins, etc)
- d) As mesas serán de aluminio natural ou madeira.
 - e) Ningún destes elementos poderá ter publicidade, salvo a rotulación do toldo que poderá levar o nome do establecemento.

INCENTIVOS Á MELLORA DA ESTÉTICA

12.—Os establecementos que fagan investimentos para mellorar a estética das terrazas ou zonas de ocupación do terreno con mesas e cadeiras, abarán unha taxa reducida, previa presentación de deseño e presuposto de investimento, que será conformado pola Comisión de Goberno. Estas reducións serán:

- Para investimentos de 1.200 EU ou superiores: Reducción do 50% na taxa.
- Para investimentos entre 800 e 1.199 EU: Reducción do 30% na taxa.
- Para investimentos entre 400 e 799 EU: Reducción do 20% na taxa.

DEREITOS E OBRIGAS

13.—O titular da licenza terá dereito a exercer as actividades no termos da respectiva licenza con suxección ás prescripcións establecidas na presente ordenanza e demais preceptos legais aplicables.

14.—Os titulares da licenza de terrazas deberán manter esta e cada un dos elementos que a componen nas condicións de ornato, limpeza e seguridade precisas.

15.—Queda prohibido almacenar ou apilar produtos ou materiais xunto as terrazas, así como residuos propios da instalación.

16.—Os titulares das licencias teñen a obriga de retirar e agrupar, á finalización de cada xornada, os elementos instalados.

17.—Deberá figurar en sitio visible a lista de prezos e demais autorizacións precisas, así como os horarios.

A cartelería e a súa rotulación deberá ser estética, en consonancia cos propios elementos da terraza.

INSPECCIÓN E SANCIÓN

18.—O Alcalde-Presidente ou órgano que teña atribuída a competencia de outorgar licenza de ocupación para terrazas, será tamén competente para controlar o exacto cumprimento das normas establecidas na presente ordenanza e demais disposicións aplicables, así como a imposición das sancións, previa instrucción do oportuno expediente sancionador.

19.—As infraccións das normas contidas na presente ordenanza clasifícanse en leves, graves e moi graves.

- 1.—Son faltas leves:
 - O incumprimento do horario por exceso ata media hora.
- 2.—Son faltas graves:
 - a) A reiteración de dúas faltas leves.
 - b) A ocupación de maior superficie da autorizada.
 - c) A falta de exhibición da lista de prezos.
 - d) A colocación de envases ou calquera tipo de mercadoría ou elemento fora do recinto do establecemento.
 - e) O incumprimento do horario de peche entre media hora de unha hora.
 - f) O incumprimento de manter a terraza nas condicións de ornato, limpeza e seguridade.
 - g) O engano conforme o artigo 10.
- 3.—Son faltas moi graves:
 - a) A reiteración de dúas faltas graves.
 - b) A desobediencia aos lexítimos requirimentos dos inspectores e autoridades.
 - c) Non retirar as instalacións rematado o período, ou cando lle fose requerido por autoridade de competente.
 - d) A instalación de elementos non autorizados.
 - e) O incumprimento do horario en máis dunha hora.
 - f) A instalación de terrazas sen licenza.
- 20.—Sancións:
 - a) As faltas leves sanciónanse con multa ata 60 euros.
 - b) As faltas graves con multa de 61 ata 90 euros.
 - c) As faltas moi graves con multa de 90 a 150 euros e levan parella a revocación da licenza no caso de terse concedida ou a facultade de solicitala durante dúas anualidades no suposto da letra f do artigo anterior.
- 21.—A aplicación de sancións que se establecen no artigo anterior, atenderán ó grao de culpabilidade, perigosidade, reincidencia e demais circunstancias que concorran.
- 22.—No caso de destrución ou deterioro do dominio público ocasionado como consecuencia da ocupación, e con independencia das sancións que se establezan, os titulares das licenzas quedan obrigados á reparación dos desperfectos ou, no seu caso, de aboar a contía dos mesmos fixada polo informe dos servizos competentes do Concello.
- 23.—Será de aplicación para a sanción e esistencia de responsabilidade en materia de sanidade e consumo as normas que regulan esta materia na Comunidade Autónoma de Galicia.

24.—A presente Ordenanza non será de aplicación as terrazas que se instalen única e exclusivamente durante a celebración de festas populares, delegándose na Comisión de Festas correspondente a súa xestión e cobranza.

DISPOSICIÓN TRANSITORIA

1.—As normas contidas nesta ordenanza serán aplicables ás novas solicitudes que se tramiten a partir da entrada en vigor da mesma.

2.—Establécese un período de unha anualidade a partir da entrada en vigor da presente ordenanza (2006), para acomodar o mobiliario das terrazas ao establecido na presente norma.

DISPOSICIÓN FINAL

A presente ordenanza e o seu anexo entrarán en vigor, unha vez producida a súa publicación íntegra no Boletín Oficial da Provincia (BOP) e transcorrido o prazo de 15 días hábiles previsto no artigo 65.2 da Lei 7/1985, do 2 de abril.

A N U N C I O

O Pleno deste Concello, na súa sesión do 2 de decembro do 2005, aprobou inicialmente a Ordenanza Fiscal reguladora da taxa por ocupación de terreos de uso público municipal con mesas, cadeiras, tribunas, taboados e outros elementos análogos, con finalidade lucrativa.

Mediante anuncio no B.O.P. nº 250 do 30 de novembro, o expediente foi exposto ao público durante un prazo de 30 días hábiles, sen que nese prazo fose presentada ningunha reclamación contra o mesmo, polo que se considera definitivamente aprobado de acordo co establecido no artigo 17.3 do Real Decreto Lexislativo 2/2004, de 5 de marzo, polo que se aproba o Texto Refundido da Lei reguladora das Facendas Locais. Así mesmo, aos efectos establecidos no artigo 17.4 do citado RDL2/2004, e 70.2 da Lei 7/1985 de 2 de abril, Reguladora das Bases de Réxime Local, públicase o texto íntegro da ordenanza fiscal aprobada. Moaña. 15 de febreiro de 2006.

ORDENANZA REGULADORA DA TAXA POR OCUPACIÓN DE TERREOS DE USO PÚBLICO MUNICIPAL CON MESAS, CADEIRAS, TRIBUNAS, TABOADOS E OUTROS ELEMENTOS ANÁLOGOS, CON FINALIDADE LUCRATIVA

ARTIGO 1º. NATUREZA E FUNDAMENTO

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do réxime local, e os artigos 20 e 58 da Lei 39/88, do 28 de decembro, e de conformidade co disposto nos artigos 15 a 19 da Lei 39/88, do 28 de decembro, acorda a imposición e ordenación da Taxa por ocupación de

terreos de uso público municipal con mesas, cadeiras, tribunas, taboados e outros elementos análogos, con finalidade lucrativa.

ARTIGO 2º. FEITO IMPOÑIBLE

Constitúe o feito impoñible da Taxa a utilización privativa ou aproveitamento especial do dominio público municipal polos conceptos que se sinalan no título da taxa.

ARTIGO 3º. SUXEITOS PASIVOS

Serán suxeitos pasivos desta taxa as persoas físicas ou xurídicas e as entidades ás que se refire o Artigo 33 da Lei xeral tributaria que gocen, utilicen ou aproveiten especialmente o dominio público local en beneficio particular, consonte algúns dos supostos citados no feito impoñible.

ARTIGO 4º. RESPONSABLES

Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei Xeral Tributaria.

Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o Artigo 40 da Lei Xeral Tributaria.

ARTIGO 5º. COTA TRIBUTARIA

1. A cota tributaria consistirá nunha cantidade fixa, segundo figura no anexo desta ordenanza.
2. O importe da taxa calcularase de acordo co número de metros cadrados ocupados.
3. Aos suxeitos pasivos que realicen os investimentos previstos no Artigo 11 da ordenanza xeral de terrazas, aplicárselles a tarifa reducida. Poderase aplicar a tarifa reducida para cada suxeito pasivo único e exclusivamente nun exercicio impositivo.

ARTIGO 6º. BENEFICIOS FISCAIS

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

ARTIGO 7º. PERCEPCION

Devéngase a taxa e nace a correspondente obligación de contribuir no momento de outorgarse a correspondente licencia, ou desde que se realice o aproveitamento, se se procede sen a oportuna autorización.

ARTIGO 8º. LIQUIDACION

O prazo de presentación de solicitudes de autorizacións será o determinado pola ordenanza municipal correspondente.

No momento de solicitar a autorización efectuase o ingreso do importe correspondente á totalidade da cota tributaria resultante en concepto de depósito previo, a conta da liquidación definitiva que se efectuará, no seu caso, no momento de concesión da licencia oportuna.

Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abrir o oportuno expediente sancionador por infracción tributaria.

ARTIGO 9º. INFRACCIONS E SANCIONS

Nesta materia estarase ó dispuesto na Lei xeral tributaria e normativa de desenvolvemento.

DISPOSICIÓN DERROGATORIA

Á entrada en vigor da presente ordenanza fiscal queda derrogada a “Ordenanza reguladora da taxa por ocupación de terreos de uso público con mesas, cadeiras, tribunas, taboados e outros elementos análogos, con finalidade lucrativa” aprobada polo Pleno da Corporación no Pleno celebrado o 15 de outubro de 1998, así como toda normativa municipal anterior que a contradiga.

DISPOSICIÓN FINAL

A presente ordenanza fiscal, cuxa redacción definitiva foi aprobada polo Pleno da Corporación en data 2 de decembro de 2005, entrará en vigor ao día seguinte da súa publicación no Boletín Oficial da Provincia e será de aplicación a partir do 1 de Xaneiro de 2006.

ANEXO

PRIMEIRO. TARIFA

1. Tarifa xeral

- Por m² de dominio público ocupado: 24 euros/ano

2. Tarifa reducida.

Para os suxeitos pasivos que realicen as inversións en mobiliario previstas no Artigo ** da ordenanza xeral.

- Por investimentos de 1.200 euros ou superiores: 12 euros/m²/ano
- Por investimentos entre 800 e 1.199,99 euros: 16,80 euros/m²/ano
- Por investimentos entre 400 e 799,99 euros: 19,20 euros/m²/ano

Para a aplicación da tarifa reducida, coa solicitude deberá acompañarse proxecto de investimento, con deseño e orzamento, que deberá ser confor-

mado pola Xunta de Goberno Local e acreditado unha vez instalada a terraza.

Moaña, a 15 de febreiro de 2006.—O Alcalde, Xosé Manuel Millán Otero. 2006001812

* * *

O GROVE

A N U N C I O

BASES E CONVOCATORIA PARA A CONCESIÓN DE SUBVENCIÓNS A ASOCIACIÓNS E ENTIDADES SEN ÁNIMO DE LUCRO QUE DESENVOLVAN ACCIÓNS NO EIDO DA CULTURA NO ANO 2006

PRELIMINAR

1.—OBXECTO DA CONVOCATORIA

A presente convocatoria ten por obxecto regular o procedemento da concesión de subvencións en réxime de libre concorrencia para fomentar as actividades que, no eido da cultura e de tódalas súas facetas, promovan persoas físicas ou xurídicas, asociacions e entidades sen ánimo de lucro, que poidan ser consideradas de interese social para o Concello do Grove, dirixidas á poboación en xeral.

2.—BENEFICIARIOS

Poderán solicitar as subvencións reguladas na presente convocatoria:

- As persoas Físicas ou Xurídicas, asociacions e entidades validamente constituídas sen ánimo de lucro, que teñan o seu domicilio social no Concello do Grove, realicen actividades de interese municipal e se atopen debidamente inscritas no Rexistro Municipal de Asociacions e cumpran os requisitos establecidos no Artigo 13 da Lei 38/2003, do 17 de novembro, Xeral de Subvencións.

Cada asociación, entidade, etc. poderá presentar, dentro destas bases, as solicitudes que estime oportunas.

Quedan excluídas desta convocatoria as actividades que non cumplan algún requisito das presentes bases.

3.—PROGRAMAS SUBVENCIONABLES

Actividades culturais:

1. As dirixidas á realización de actuacións puntuais ou de carácter anual, no eido cultural en tódalas súas vertentes.
2. As dirixidas á realización das tradicionais festas das parroquias.

